



NEWSLETTER BR. 50

APRIL 2019

SADRŽAJ

FIPA AKTIVNOSTI ≡

- » Nizak priliv investicija iz Pakistana u BiH
- » Intenzivirati animiranje potencijalnih ambasadora
- » BiH vina predstavljena na renomiranom sajmu u Tokiju
- » FIPA na Sarajevo Business Forumu 2019
- » FIPA na Međunarodnoj konferenciji Zagreb Invest 2019
- » Nagrade za BiH na svjetskom godišnjem investicionom mitingu u Dubajju

FIPA POSLOVNE VIJESTI ≡

- » Njemački gigant u metalnoj industriji, firma Ringspann najavio ulaganje u BiH
- » Sarajevo Business Forum 2019
- » Postupak obnove registracije objekata za proizvodnju hrane pri Američkoj agenciji za hranu i lijekove za privrednike i kompanije koji izvoze u SAD
- » Nastavljen trend porasta direktnih stranih investicija u BiH

FIPA AKTIVNOSTI ≡



NIZAK PRILIV INVESTICIJA IZ PAKISTANA U BIH



BH. VINA PREDSTAVLJENA NA RENOMIRANOM SAJMU U TOKIJU ≡





NIZAK PRILIV INVESTICIJA IZ PAKISTANA U BiH



Predstavnici Univerziteta nacionalne odbrane Pakistana posjetili su Agenciju za unapređenje stranih investicija u BiH (FIPA) kako bi se upoznali o ekonomskoj suradnji između BiH i Pakistana.

Direktor Milinić zaželio je dobrodošlicu pakistanskoj delegaciji, te je upoznao s nadležnostima Agencije, suradnji s drugim bh. institucijama i ambasadama na polju privlačenja investicija. Spomenuo je dosadašnje realizirane sastanke s pakistanskim privrednicima koji na žalost nisu rezultirali investiranjem. Dosadašnji registrirani priliv ulaganja iz Pakistana u BiH je manji od 100.000 KM, te stoga postoji prostor za njegovo unapređenje.

Predstavljene su prednosti i razlozi za investiranje u BiH, ističući postojanje potpisanih preferencijalnih trgovinskih sporazumima / EU, CEFTA, EFTA, te status stranih investitora u BiH, kao i sektori za ulaganje. Prezentirani su i raspoloživi investicioni projekti namjenske industrije i projekti drugih sektora BiH, kao i informacije o realizaciji eventualnih strateških projekata i mogućnostima suradnje s bh. kompanijama u namjenskoj idustriji.



BH. VINA PREDSTAVLJENA NA RENOMIRANOM SAJMU U TOKIJU



I ove godine, kao i prethodnih godina, vina iz Bosne i Hercegovine, i to VINO Manastir Tvrdoš (Trebinje) Vranac 2015, i Vinogradi Nuić (Ljubuški) Posip 2015 predstavljeni su na 95. Sajmu likera i sira koji je održan od 10. do 16. aprila u Tokiju. Više od 1.000 vrsta vina iz 28 zemalja svijeta su bila prezentirana i prodavana na najvećem sajmu vina u Japanu.

Tokom sedmodnevne manifestacije prodato je oko 25.000 boca vina. Predstavnik FIPA-e u Japanu, Shigehiko Nishihama, učestvovao je na sajmu prezentirajući bh. vina direktno japanskim potrošačima.

Od januara 2014. godine, BiH je po prvi put počela izvoziti vino u Japan zahvaljujući naporima g. Nishihame.

Japanska uvozna kompanija M & P Corporation iz Tokija odlučila je 2014 započeti uvoz bh. vina iz dvije vinarije, Vinogradi Nuić i VINO Manastir Tvrdoš. Potrošači japanskog tržišta zadovoljni su visokim kvalitetom bosansko-hercegovačkog vina i uživali su u degustaciji Vranca i Pošipa.

Na ovom sajmu nije prodavano vino lokalnih autohtonih sorti grožđa poput Blatine i Žilavke, ali se M&P Corporation i dalje bavi uvozom ove dvije vrste, jer su Blatina i Žilavka već postale popularne i dobro prihvaćene u Japanu. Pored prezentacije vina, g. Nishihama predstavio je japanskim posjetiteljima kulturu i turizam BiH, što je bio važan doprinos Bosni i Hercegovini na japanskom tržištu.



INTENZIVIRATI ANIMIRANJE POTENCIJALNIH INVESTITORA



U okviru priprema za diplomatsku misiju, novoimenovane bh.diplomate Slaviša Čeranić, ambasador BiH u Rumuniji, i Siniša Berjan, ambasador BiH u Japanu, posjetili su FIPA-u kako bi se upoznali s nadležnostima Agencije, suradnji sa stranim investitorima, te trenutnim aktivnostima na polju ekonomske suradnje sa spomenutim zemljama. Direktor FIPA-e Gordan Milinić je informirao ambasadore o radu Agencije u sferi stranih ulaganja, radu i podršci stranim investitorima u BiH, trenutno raspoloživim investicionim projektima, te sektorima koji bi mogli biti interesatni investitorima iz Rumunije i Japana. Osvrnuo se i na trend rasta stranih ulaganja u 2017, te 2018 kada smo zabilježili 800 miliona KM, ističući očekivanja o nastavku rasta tokom i 2019. godine. Od ekonomske diplomatije se očekuju značajniji efekti rada na polju izvoza iz BiH i pronalaska investitora za BiH, te je stoga vrlo važno, nakon preuzimanja dužnosti, uspostaviti kontakte s privrednim i regionalnim komorama, te udruženjima poduzetnika i sektorskim udruženjima radi predstavljanja potencijala BiH, kao i intenzivirati animiranje potencijalnih investitora. Prema zvaničnim podacima Centralne banke BiH, dosadašnja ulaganja Rumunije u BiH iznose 3,4 miliona KM, a najznačajnije rumunske kompanije su Steel Mehanička, Corrado Penna i Astra Invest. Iz Japana nisu registrirana značajnija ulaganja u BiH. Tek se očekuju efekti nekoliko posjeta japanskih privrednih delegacija u BiH u posljednje dvije ili tri godine. Važno je istaći da je Japan jedan od najvećih donatora u BiH.

Dodatno je istaknut značaj organiziranja poslovnih susreta između bh. i stranih privrednika radi jačanja ekonomskih veza, povećanja investicija, te praćenja privrednih dešavanja radi uključivanja bh.privrede i privrednika u nove privredne tokove. Dogovoreno je da ambasadori organiziraju investicione forume za BiH u skoroj budućnosti.



FIPA NA SARAJEVO BUSINESS FORUMU 2019



Predstavnici FIPA-e, na čelu s direktorom Gordanom Milinićem, su i ove godine učestvovali na Sarajevo Business Forumu od 17. do 19. aprila s ciljem uspostavljanja kontakata s novim potencijalnim investitorima za BiH.

U okviru konferencije, predstavljeni su investicijski projekti kojima Agencija raspolaže iz oblasti poljoprivrede, turizma, drvnog sektora, infrastrukture, metalnog sektora, proizvodnje auto-dijelova, te nekretnina. Održani su sastanci s investitorima, kojima su predstavljene mogućnosti i prednosti za ulaganje u BiH.

Direktor Milinić je učestvovao na panelu koji je bio posvećen regionalnoj platformi za privlačenje međunarodnih investitora u regiju, obrazlažući razloge zbog kojih je BiH interesantna stranim investitorima, kao i potrebu za značajniju promociju BiH i njenih potencijala u inostranstvu.



FIPA NA MEĐUNARODNOJ KONFERENCIJI ZAGREB INVEST 2019



Direktor Agencije za unapređenje stranih investicija BiH (FIPA) Gordan Milinić učestvuje na Međunarodnoj investicijskoj konferenciji Zagreb Invest 2019, koja je privukla veliki broj stranih investitora, predstavnika industrije, trgovine i finansijskog sektora, te predstavnika vlasti zemalja regiona.

G. Milinić je na konferenciji govorio o mogućnostima ulaganja u BiH, atraktivnim sektorima i mogućnostima koje BiH nudi stranim investitorima, procesima koji se sprovode s ciljem reforme poslovnog ambijenta, te trendovima rasta stranih investicija u zemlji. Istakao je da Hrvatska zauzima 2. mjesto na listi zemalja investitora u BiH s uloženi 1,182 milijardi eura, što predstavlja 17,2% od ukupnih investicija registriranih do sada. Veliki je broj hrvatskih kompanija koje uspješno posluju u BiH, a neke od njih su Atlantic grupa, Belupo, Vindi, Kraš, Dukat, Ina, i mnoge druge.

Na kraju izlaganja, direktor je pozvao prisutne investitore da ulažu u Bosnu i Hercegovinu, ističući da je FIPA glavna adresa u BiH za strane investitore koja pomaže investitorima da realiziraju svoju investiciju. Predstavljeni su projekti BiH koji su izazvali veliki interes kod prisutnih investitora, koji su tražili dodatne informacije o poslovnom ambijentu za strane ulagače od nadležnih predstavnika.

Pored direktora FIPA-e, na konferenciji su prisustvovali i predsjednik Privredne komore FBiH Marko Šantić, načelnik Općine Posušje Branko Bago, te direktorica Regionalne razvojne agencije za Hercegovinu Mirna Jelčić.

n Europe & Turkey

FIPA

anner Up



NAGRADE ZA BIH NA SVJETSKOM GODIŠNJEM INVESTICIONOM MITINGU U DUBAIJU



Na svjetskom godišnjem investicionom mitingu–Annual Investment Meeting (AIM) koji se održava u Dubaiju od 8. do 10. aprila, na kojem ove godine učestvuje preko 20 hiljada ljudi iz svjetskog biznisa, Agencija za promociju stranih investicija BiH (FIPA) je proglašena najboljom Agencijom za privlačenje stranih investicija za područje Centralne i Istočne Europe. Istovremeno, Al Shiddi Trading je proglašen najboljim investitorom sa svojim projektom Swissotel u Sarajevu. Manifestacija se održava pod pokroviteljstvom Nj.V. Šeika Mohammeda Bin Rashid Al Maktouma, podpredsjednika Ujedinjenih Arapskih Emirata i premijera i vladara Dubaija. Nagrade su primili Gordan Milinić i Abdulah Mohammed Al Shiddi, a svečanom uručanju je prisustvovao i ambasador BiH u UAE Šerif Mujkanović. Na posebnoj ceremoniji, AIM investicijske nagrade su dodijeljene odabranim agencijama za promociju investicija (IPA) iz svakog regiona svijeta u znak priznanja za njihov izvanredan rad u uspješnom privlačenju značajnih i korisnih projekata direktnih stranih ulaganja u 2018. godini, te doprinosu ekonomskom rastu i razvoju tržišta. Kao kriterij za odabir najboljih IPA i investicijskih projekata, formirana je komisija od 9 međunarodnih eksperata, koji su procijenili svaki od nominovanih projekata koji su ušli u uži izbor, koristeći kriterije poput : veličina investicije, efekti investicija na ekonomski razvoj, prenos znanja, proces servisiranja investitora, održivost i veze s lokalnom zajednicom i privredom, te uticaj digitalizacije na privlačenje stranih direktnih investicija.

Predstavnici institucija i kompanija iz 150 zemalja svijeta iz različitih sektora poput proizvodnje hrane, metalo-prerađivačkog sektora, energetike, turizma, nekretnina, finansija, građevinarstva, informacionih tehnologija, farmacije, učestvuju na ovoj manifestaciji, uključujući i predstavnike agencija za strana ulaganja iz cijelog svijeta radi uspostavljanja novih kontakata i razmjene iskustava vezano za politike privlačenja stranih ulaganja, poboljšanje konkurentnosti, strategije za promociju, podsticaje za strane investitore.

FIPA POSLOVNE VIJESTI ≡



SARAJEVO BUSINESS FORUM 2019

10th INTERNATIONAL BUSINESS AND INVESTMENT CONFERENCE

APRIL 17-19, 2019
SARAJEVO, BOSNIA AND HERZEGOVINA

BBI Bosna Bank International
ISDB البنك الإسلامي للتنمية Islamic Development Bank
BBCE Business Club

NJEMAČKI GIGANT U METALNOJ INDUSTRIJI, FIRMA RINGSPANN NAJAVIO ULAGANJE U BIH ≡





NJEMAČKI GIGANT U METALNOJ INDUSTRIJI, FIRMA RINGSPANN NAJAVIO ULAGANJE U BIH



Ringspann je jedan od vodećih proizvođača pogonskih komponenti u Europi. Mnoge poznate kompanije u mašinskom i pogonskom inženjerstvu, rukovanju materijalima, proizvodnji električne energije i zrakoplovnoj industriji, uspješno sarađuju s Ringspannom. Među njima su i Rolls-Royce, BMW, Siemens, Tetra Pak...

Njemačka kompanija najavila je investicije u poslovnu zonu Pilana u Općini Bosanska Krupa. Prije nekoliko mjeseci ova firma krenula s proizvodnjom, uglavnom dijelova za električne bicikle čiji je najveći kupac Bosch, a sada kada je kupila zemljište, počinje izgradnju vlastitih objekata.

Firma se bavi obradom dijelova CNC mašina. Trenutno imaju 22 uposlena radnika. U naredne dvije godine Ringspann u Bosanskoj Krupi u izgradnju proizvodnih pogona planira uložiti blizu dva miliona eura.



**SARAJEVO
BUSINESS
FORUM 2019**

10th INTERNATIONAL BUSINESS AND
INVESTMENT CONFERENCE

APRIL 17-19, 2019
SARAJEVO, BOSNIA AND HERZEGOVINA



SARAJEVO BUSINESS FORUM 2019



Sarajevo Business Forum (SBF), trodnevna Međunarodna investicijska konferencija, održana je u Sarajevu od 17. do 19. aprila uz prisustvo oko 2.000 učesnika iz 50 zemalja svijeta. Konferencija je okupila vodeće poslovne i političke lidere iz regiona i svijeta, kao i predstavnike bh.dijaspore. Poseban akcent ovogodišnjeg Foruma je stavljen na tematiku održivog razvoja, te digitalnu revoluciju.

Tokom trodnevnog Foruma su organizirane prezentacije privrednika i sponzora Foruma, te su održani poslovni (B2B) sastanci radi umrežavanja učesnika i razvoja novih poslovnih mogućnosti. Posebna pažnja je posvećena privrednim potencijalima Bosne i Hercegovine i regiona, te potencijalima bh. dijaspora i njihovog ulaganja.

Zadnji dan Foruma upriličene su finalne prezentacije takmičenja mladih u biznisu SBF Start-up Challenge.



POSTUPAK OBNOVE REGISTRACIJE OBJEKATA ZA PROIZVODNJU HRANE



U skladu s informacijom američke kompanije „Registrar Corp“ koja pruža usluge privrednicima i kompanijama koje izvoze u SAD, Ambasada Bosne i Hercegovine u Sjedinjenim Američkim Državama obavještava da je u odnosu na prošlu godinu došlo do smanjenja registriranih objekata za proizvodnju hrane za 20% koje su u vlasništvu kompanija iz BiH, a svoje proizvode izvoze u SAD. U pitanju su kompanije registrirane pri Američkoj agenciji za hranu i lijekove (FDA).

Podsjećamo privrednike i kompanije iz BiH koji izvoze u SAD da provjere da li je registracija objekata propisno obavljena kako bi svoje proizvode nesmetano izvozili.

Besplatnu provjeru ispravnosti registracije objekata za proizvodnju hrane pri FDA – moguće je provjeriti na linku: www.registrarcorp.com/verify



NASTAVLJEN TREND PORASTA DIREKTNIH STRANIH INVESTICIJA U BIH



Prema upravo objavljenim preliminarnim podacima Centralne banke BiH, direktna strana ulaganja u 2018. godini dosegla su iznos od 800 miliona KM, što predstavlja povećanje od 2,8% u odnosu na 2017. godinu kada je zabilježeno 777 miliona KM. Trend rasta stranih investicija iz 2017, nastavljen je i u 2018. godini. Direktor FIPA-e Gordan Milinić ističe da je zadovoljan ovim iznosom, jer je prošla godina bila izuzetno teška za privlačenje stranih investitora zbog predizborne retorike koja je odvrćala strane investitore, i čestih pitanja stranih investitora da li će njihov kapital biti siguran u Bosni i Hercegovini. Ako je suditi po broju sastanaka i kontakata koje je FIPA održala i uspostavila od samog početka 2019. godine, može se očekivati nastavak trenda rasta i u 2019. godini. Tu su i najave novih ulaganja u ovoj godini, kao i značajan broj projekata koji su započeti u 2018, a čija se realizacija nastavlja i u 2019. godini. Započeti investicioni ciklus će donijeti nova radna mjesta, zapošljavanje naših građana, više poreza državi, nove tehnologije, i jačanje standarda života naših građana. Vrlo je važno istaći da su brojne prepreke na putu mnogo većeg priliva stranih ulaganja u BiH i snažnijeg investicionog zamaha, koje je potrebno otkloniti ukoliko se želi ostvariti značajniji stepen zapošljavanja u zemlji, jačanje privrede i razvoja zemlje. Važno je nastaviti s reformskim procesima i iskazati spremnost i volju za unapređenje prilika u zemlji. Rast investicija i zapošljavanje je dovoljan motiv da se nastavi s unapređenjem poslovnog ambijenta u zemlji na način da stimulira privrednike, poboljšanjem konkurentnosti i imidža zemlje. FIPA u okviru svog Programa postinvesticione podrške priprema prijedlog mjera koje svi organi vlasti u BiH trebaju preduzeti radi poboljšanja poslovnog okruženja i olakšanja poslovanja za strane investitore. Prijedlozi su već upućeni nadležnim organima, nakon čega će biti dostavljeni na finalno razmatranje Vijeću ministara BiH. S ciljem privlačenja novih investitora, te poboljšanja imidža zemlje, FIPA nastavlja i implementaciju medijske kampanje „Invest in BiH“ u svijetu, u koju su uključena diplomatsko-konzularna predstavništva BiH i strane ambasade u Sarajevu, a u koju bi trebalo uložiti i značajnija sredstva radi reklame u svjetskim medijima.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA